

古

謠

諺

古謠諺卷九十四

附錄九

秀水杜文瀾輯

人爲杜伯段孝直語

搜神記

卷二

段孝直漢景帝時爲長安令志性清

慎美聲遠聞所乘馱駁馬一疋日行五百里雍

州刺史梁緯見孝直馬好每索之荅云亡考所

乘之馬不忍捨之緯因密構孝直下獄直使人

告妻曰我必死矣但將紙三百張筆十管墨五

挺安我墓裏我自申理不經旬害於獄中致死

家人收而葬之乃以紙筆安墓中又經五十餘  
日遇景帝大會羣臣孝直於殿前上表景帝覽  
表讀訖忽然不見孝直遂有詔收梁緯付獄勘  
詰事事不虛帝勅下將梁緯往孝直墓所斬而  
祭之乃追贈尙書郎長安令故語云

云

此之

謂也卷三昔周宣王信讒言杜伯無罪王信佞而誅之杜伯曰臣無罪而加戮越三歲必  
雪深冤矣王戮之經三年餘王出獵行至城外  
見杜伯彎弓執矢射王射中王心王卽心痛歸  
宮至日而薨

莫言鬼無身杜伯射宣王莫言鬼無形孝直訟生人

案刺史起於漢武帝若景帝時尙無此官至於杜伯報宣王乃墨子之妄論尤不可以爲訓

後魏人引諺

搜神記

卷四

昔太武皇帝召募諸方秀士遣司徒

崔浩試之問其妍否浩見雍州秀士陳龍文多言巧辭乃嘆之曰子姓陳與陳恒近遠龍文應聲答曰龍文與恒還如公與杼間密相似崔浩憾之異日策問龍文曰鷗臯何以食母弱水何以西流武王何以伐紂龍文並皆不答浩落下

不第龍文上表稱崔浩位正三台治司萬物不  
能以風化下而將逆事問臣以臣無能俾令下  
第伏乞陛下聖造親試否臧表至帝召浩詰之  
浩曰龍文無藝何以堪之帝乃自召龍文問其  
試目對曰崔浩何不問臣慈烏返哺而乃問臣  
鴟梟何以食母何不問臣百川歸於滄海乃問  
臣弱水西流何不問臣伯夷叔齊讓國乃問臣  
武王伐紂是以不荅帝召浩問之皆如其說乃

封龍文爲上卿故諺語云

云

此之謂也

巧言以免責

案作搜神記之干寶係東晉初年之人崔浩乃後魏太武帝時人此事距寶卒甚久搜神記內斷不應載據太武皇帝之語必後魏人羈入學津討源本未載此條惟漢魏叢書本有之校者失考也

皇娥倚瑟歌

拾遺記

卷一

少昊以金德王母曰皇娥處璇宮而

夜織或乘桴木而晝游經歷窮桑滄茫之浦時有神童容貌絕俗稱爲白帝之子卽太白之精

降於水際與皇娥讌戲奏嬋娟之樂游漾忘歸  
窮桑者西海之濱有孤桑之樹直上千尋葉紅  
樨紫萬歲一實食之後天而老帝子與皇娥泛  
於海上撫桐峯梓瑟皇娥倚瑟而清歌曰 云云  
俗謂游樂之處爲桑中也詩中衛風云期我乎  
桑中蓋類此也

天清地曠浩茫茫萬象迴薄化無方  
洽天蕩蕩望滄滄  
乘桴輕漾著日傍當其何所至窮桑  
心知和樂悅未央

白帝子答皇娥歌

拾遺記卷一白帝子答歌云及皇娥生少昊號

曰窮桑氏

西維八埏眇難極驅光逐影窮水域璇宮夜靜當軒織  
桐峯文梓千尋直伐梓作器成琴瑟清歌流暢樂難極  
滄湄海浦來棲息

楊氏慎丹鉛雜錄卷一云王嘉所著拾遺記全無憑證

直搆虛空首篇謂少昊母有桑中之行尤爲悖亂

王氏謨云王嘉字子年隴西人後秦姚萇方士昔太  
史公嘗病百家言黃帝文不雅馴而嘉乃鑿空著書



專說伏羲以來異事其甚者至以衛風桑中託始皇  
娥爲有淫泆之行誣罔不道如此其見殺於萋非不  
幸也

句章人聞女子陳阿登歌

幽明錄逸文

據御覽卷五百七十三

句章人至東野還暮

不至門見路傍有小屋燈火因投寄止宿有一

小女不欲與丈夫共宿呼隣家女止宿自伴夜

共彈琴箜篌至曉此人謝去問其姓字女不答

彈絃而歌曰

廣記卷三百十六引靈怪集漢會稽句章人至東野投宿有一少女

彈琴篴篴歌曰云云明至東郭外有賣食母在肆中此人寄坐因說昨所見母驚曰此是我女近亡葬郭外耳

連綿葛上藤一援復一絙欲知我姓名姓陳名阿登靈怪

集第三句作汝欲知我姓御覽卷八百八十四引續搜神記援作緩第三句作汝欲知何姓法苑珠林卷四十六引續搜神記何作我餘與御覽同廣博物志卷十五引幽明錄援作緩名作氏

### 巢氏婢聞郭長生歌

幽明錄逸文據御覽卷五百八十永嘉中泰山巢氏先爲

相縣令居住晉陵家婢採薪忽有一人追隨隨

尋婢還家不使人見見形者唯婢而已每與飲

宴吹笛而歌歌曰

閑夜寂已清長笛亮且鳴若欲知我者姓郭名長生

廣記

卷三百二十四名作氏

漢武帝幸瓠子見老翁歌

幽明錄逸文

據廣記卷一百十八

漢武帝宴於未央梁上

見一老翁緣柱而下放杖稽首因仰頭視屋俯指帝脚忽然不見東方朔曰其名爲藻水木之精陛下頃日頻興宮室斬伐其居故來訴耳仰頭看屋而復俯視陛下脚者足也願陛下宮室

足於此帝感之既而息役幸瓠子河聞水底有  
絃歌聲前梁上翁及年少數人皆長八九寸有  
一人長尺餘凌波而出或有挾樂器者帝問曰  
聞水底樂奏爲是君耶老翁對曰老臣前昧死  
歸訴幸蒙陛下天地之施卽息斧斤得全其居  
不勝歡喜故私相慶樂耳帝曰可得奏樂否曰  
故齋樂來安得不奏長人便絃而歌歌曰  
歌聲大小無異於人清徹繞越梁棟

天地德兮垂至仁愍幽魄兮停斧斤保窟室兮庇微身

願天子兮壽萬春

按說郛卷一百十七列幽明錄未載此三條今據御覽及廣記錄之

聶包爲沈道襲歌

異苑卷六臨原注云一作林川聶包死數年忽詣南豐相

沈道襲作歌其歌笑甚有倫次每歌輒作云云

事異辭怪

花上盈盈正聞行當歸不聞死復生

廣博物志卷十五復作更

梁清婢松羅聞戴幘人歌

異苑卷六安定梁清字道修居揚州右尙方間桓

徐州故宅元嘉十四年二月數有異光令婢子

松羅往看頃之清果爲揚武將軍北魯郡太守

在郡少時夜中復見威儀器械人衆數十人

戴幘送書粗紙七十許字筆跡婉媚遠擬羲獻

又歌云云清有婢產於是而絕

生儂孔雀樓遙聞鳳凰鼓下我鄒山頭彷彿見梁魯

句章樹中鬼謠歌

異苑

卷六

句章

原注云一無入字

吳平州門前忽生一株

古謠諺

卷九十四

附錄九

曼陀羅華閣

青桐樹上有謠歌之聲平惡而斫殺平隨軍北  
征首尾三載死桐欵自還立於故根之上又聞

聲樹巔空中歌曰

云

平尋復歸如鬼謠

死桐今更青吳平尋當歸適聞殺此樹已復有光輝

### 凌欣歌

異苑逸文

據御覽卷六  
百四十三

建康凌欣景平中死於

揚州作部尅辰當葬作部督夢欣云今爲獄公

姥祖夕有期莫由自反勞君解謝今得放遣督

不信後夜又夢言辭轉切因歌一曲云

云

督

覺爲謝神從此便絕

生時世上人死作獄中鬼不得還墳墓灰沒有餘罪

青溪小姑娘歌

齊諧記會稽趙文韶爲東宮扶侍坐清溪中橋  
秋夜嘉月悵然思歸倚門唱西夜烏飛其聲甚  
哀怨忽有青衣婢前曰王家娘子白扶侍聞君  
歌聲遣相聞耳文韶亟邀相過須臾女到猶將  
兩婢自隨文韶卽爲歌草生盤石音韻清暢又  
深會女心乃曰但今有瓶何患不得水願謂婢



子還取箜篌爲扶持鼓之須臾至女爲酌兩三  
彈泠泠更增楚絕乃令婢子歌繁霜自解裙帶  
繫箜篌腰叩之以倚歌歌曰云歌闌夜已久  
遂相佯燕寢竟四更別去旣明文韶出偶至清  
溪廟歇惟女姑神像青衣婢立在前細視之皆  
夜所見者於是遂絕當宋元嘉五年也

日暮風吹葉落依枝丹心寸意愁君未知歌繁霜侵曉  
幕何意空相守坐待繁霜落

廣博物志卷十四以歌繁霜以下另析爲一則歌下

有闌夜已  
久四字

宛轉歌

續齊諧記逸文

據樂府詩集卷六十

晉有王敬伯者會稽

餘姚人少好學善鼓琴年十八仕於東宮爲衛  
佐休假還鄉過吳維舟中渚登亭望月悵然有  
懷乃倚琴歌泣露之詩俄聞戶外有嗟賞聲見  
一女子雅有容色謂敬伯曰女郎悅君之琴願  
共撫之敬伯許焉旣而女郎至姿質婉麗綽有  
餘態從以二少女一則向先至者女郎乃命大  
婢酌酒小婢彈箏篴作宛轉歌女郎脫頭上金

釵扣琴弦而和之意韻繁諧歌凡八曲敬伯唯  
憶二曲將去留錦臥具繡香囊并佩一雙以遺  
敬伯敬伯報以牙火籠玉琴軫女郎悵然不忍  
別且曰深閨獨處十有六年矣邂逅旅館盡平  
生之志蓋冥契非人事也言竟便去敬伯船至  
虎牢戍吳令劉惠明者有愛女早世舟中亡臥  
具於敬伯船獲焉敬伯具以告果於帳中得火  
籠琴軫女郎名妙容字雅華大婢名春條年二  
十許小婢名桃枝年十五皆善彈箏篴及宛轉

歌相繼俱卒

月既明西軒琴復清寸心斗酒爭芳夜千秋萬歲同一  
情歌宛轉宛轉淒以哀願爲星與漢光影共徘徊

悲且傷參差淚成

原句一作幾

行低紅掩翠方無色金徽玉

軫爲誰鏘歌宛轉宛轉情復悲願爲煙與霧氛氤共容  
姿

按說郛卷一百十五列續齊諧記未載此條今據樂  
府詩集錄之

古謠諺卷九十四終

古謠諺卷九十五

附錄十

秀水杜文瀾輯

柳宗元引俗諺論談鬼

龍城錄

卷一

君誨嘗夜坐與退之余三人談鬼神

變化時風雪寒甚窗外點點微明若流螢須臾  
千萬點不可數度頃入室中或爲圓鏡飛度往  
來乍離乍合變爲大聲去而三人雖退之剛直  
亦爲之動顏君誨與余但匍匐掩目前席而已  
信乎俗諺曰

云

亦知言也余三人後皆不利

白日無談人談人則害生昏夜無說鬼說鬼則怪至  
案龍城錄乃宋時王銍所作托名於柳子厚此條所  
言退之卽韓文公君誨未詳何人俟考

霅溪水神夜宴歌

集異記逸文

據廣記卷三百九

霅人蔣琛精熟二經常

教授於鄉里每秋冬於霅溪太湖中流設網罟  
以給食常獲巨龜以其質狀殊異乃釋之後歲  
餘一夕風雨晦冥聞波間洶洶之聲則前之龜  
扣舷人立而言曰今夕太湖霅溪松江神境會

川瀆諸長琛遂於安流中纜舟以伺焉未頃有  
龜鼉魚鱉蹙波爲城遏浪爲地有蛟蜃數十東  
西馳來乃噓氣爲樓臺又有青衣黑冠者由雪  
溪南津而出復見朱衣赤冠者自太湖中流而  
來至城門下馬交拜次有老蛟前唱曰安流王  
上馬於是三神立候焉則有紫衣朱冠者自松  
江西派而至二神迎於門設禮甚謹江神曰拉  
得范相國來矣乃有披褐者仗劒而前於是揖  
讓入門旣卽席則有老蛟前唱曰湘王則有綠



衣元冠者氣貌甚偉既升階與三神相見曰適  
輒與汨羅屈副使俱來乃有服飾與容貌慘悴  
者偃僂而進方卽席將飲有女樂數十輩皆執  
所習於舞筵有俳優揚言曰皤皤美女唱公無  
渡河歌其詞曰

云

云歌竟外有言申徒先生從

河上來徐處士與鴟夷君自海濱至乃隨導而  
入江溪湘湖禮接甚厚於是俳優又揚言曹娥

唱怨江波凡五疊琛所記者惟三其詞云

云

云

歌竟四座爲之慘容太湖神起舞作歌曰

云

云

江神傾盃起舞作歌曰

云

霅溪神曰

云

湘

王歌曰

云

於是范相國徐衍處士獻境會夜

會詩

按詩不錄

屈大夫左持盃右擊盤朗朗作歌曰

云

申徒先生獻境會夜會詩

按詩不錄

鴟夷君銜

盃作歌曰

云

歌終霅郡城樓早鼓絕洞庭山

寺晨鐘鳴而飄風勃興元雲四起波間車馬音

猶合沓頃之無所見曙色旣分巨龜復延首於

中流顧眄琛而去

濁波揚揚兮凝曉霧公無渡河兮公竟渡風號水激兮

呼不聞提衣看入兮中流去浪排衣兮隨步沒沈屍深  
入兮蛟螭窟蛟螭盡醉兮君血乾推出黃沙兮泛君骨  
當時君死兮妾何適遂就波瀾兮合魂魄願持精衛銜  
石心窮斷河源塞泉脈皤皤美女唱公無渡河歌全唐詩十二函七作諸神命麗玉  
唱公無渡河歌

悲風淅淅兮波緜緜蘆花萬里兮凝蒼烟虬螭窟宅兮

淵且元排波疊浪兮沈我天所覆不全兮身甯全湔眸

恨血兮徒漣漣誓將柔荑抉鋸牙之啄

全唐詩十二函七啄作喙空

水府而藏其腥涎青娥翠黛兮沈江壖

全唐詩江作紅碧雲斜

月兮空嬋娟吞聲飲恨兮語無力徒揚哀怨兮登歌筵

曹娥唱怨

江波三疊

白露溥兮西風高碧波萬里兮翻洪濤莫言天下至柔

者載舟覆舟皆我曹

太湖神歌

君不見夜來渡口擁千艘中載萬姓之脂膏當樓船泛

泛於疊浪恨珠貝又輕於鴻毛又不見朝來津亭維一

舸中有一士青其袍赴宰邑之良日任波吼而風號是

知溺名溺利者不免爲水府之腥臊

松江神歌

山勢縈迴水脈分水光山色翠連雲四時盡入詩人詠

古謠諺

卷九十五

附錄十

曼陀羅華閣

役殺吳興柳使君

雪溪神歌

渺渺烟波接九疑幾人經此泣江離年年綠水青山色

不改重華南狩時

湘王歌

鳳騫騫以降瑞兮

全唐詩鳳下有鳳字

患山雞之雜飛玉溫溫以

呈器兮因砥礪以爭輝當侯門之四闢兮瑾嘉謨之重

扉既瑞器而無庸兮宜昏暗之相微徒刻石以爲舟兮

顧沿流而志違將刻木而作羽兮與超騰之理非矜子

子於空舉兮

全唐詩矜作務舉作江

靡羣援之可依血淋淋而滂

流兮顧江魚之腹而將歸西風蕭蕭兮湘水悠悠白芷

芳歇兮江離秋日晚晚兮川雲收棹四起兮悲風幽羈

魂汨沒兮我名永浮碧波雖涸兮厥譽長流向使甘言

順行於曩昔豈今日居君王之座頭

全唐詩無之字

是知貪名

徇祿而隨世磨滅者雖正寢之死乎無得與吾儔當鼎

足之嘉會兮獲周旋於君侯雕盤玉豆兮羅珍羞金卮

瓊竚兮方獻酬

全唐詩瓊作玉

敢寫心兮歌一曲無謂余持盃

以淹留

屈大夫歌

雲集大野兮

全唐詩雲作雪

血波洶洶元黃交戰兮吳無全壘

全唐詩

既霸業之將墜宜嘉謨之不從國步顛蹶兮吾

壘作隴

古謠諺

道邁凶處鴟夷之大困入淵泉之九重上帝愍余之非  
辜兮俾大江鼓怒其冤踪所以鞭浪山而疾驅波岳亦  
粗足展余拂鬱之心胷當靈境之良宴兮謬尊俎之相  
容擊簫鼓兮撞歌鐘吳謳越舞兮歡未極遽軍城曉鼓  
之鼙鼙願保上善之柔德何行樂之地兮難相逢鴟夷君歌  
按說郭卷一百十五列集異記未載此條今據廣記  
錄之

獨孤遐叔夢其妻歌

夢游錄貞元中進士獨孤遐叔家於長安崇賢

里新娶白氏女家貧下第至蜀羈栖不偶逾二  
年乃歸至金光門五六里天色已暝絕無逆旅  
唯路隅有佛堂遐叔止焉於西窗下偃臥至夜  
分不寐忽聞牆外有十餘人相呼須臾有夫役  
數十各持牀席酒具樂器而至遐叔意謂貴族  
賞會乃潛伏屏氣於佛堂梁上伺之鋪陳旣畢  
復有公子女郎共十數輩青衣黃頭亦十數人  
步月徐來言笑晏晏遂於筵中間坐獻酬縱橫  
履舄交錯中有女郎憂傷摧悴側身下坐風韻



若似遐叔之妻窺之大驚卽下屋杵稍於暗處  
迫而察焉乃真是妻也方見少年舉杯屬之其  
妻冤抑悲愁而歌曰

云

云

滿座傾聽一人曰良

人非遠何天涯之謂乎少年相顧大笑遐叔驚  
憤乃捫一大塼向坐飛擊塼纔至地悄然一無  
所有遐叔悵然悲惋謂其妻死矣速駕而歸比  
平明至家人并無恙妻臥牀猶未興說夢中聚  
會言語與遐叔所見並同

今夕何夕存耶沒耶良人去兮天之涯園樹傷心兮三

見花

張生夢其妻及長鬚人歌

夢游錄有張生者家在汴州中牟縣東北赤城  
坂以飢寒別妻子游河朔五年方還自河朔還  
汴州晚出鄭州門到板橋已昏黑矣忽於草莽  
中見燈火熒煌賓客五六人方宴飲相去十餘  
步見其妻亦在坐中與賓客語笑方洽生乃蔽  
形於白楊樹間以窺之見有長鬚者持盃請措  
大夫人歌生之妻欲不爲唱四座勤請乃歌曰

云

云

酒至白面年少復請歌於是張妻又歌曰

云

云

酒至紫衣者復請歌張妻乃歌曰

云

酒

至黑衣胡人復請歌張妻涕泣而飲復唱送胡

人酒曰

云

云

酒至綠衣少年持盃曰便望歌之

又唱云

云

云

酒至張妻長鬚歌以送之云

云

云

酒至紫衣胡人復請歌云須有艷意張妻低頭

未唱於是張生怒捫足下欲一瓦擊之中長鬚

頭再發一瓦中妻額闐然無所見張君謂其妻

已卒慟哭連夜而歸及明至門婢僕曰娘子夜

來頭痛入室問妻病之由因知昨夜所見乃妻  
夢耳

歎衰艸絡緯聲切切良人一去不復還今夕坐愁鬢如  
雪

勸君酒君莫辭落花徒繞枝流水無返期莫恃少年時  
少年能幾時

怨空閨秋日亦難暮夫壻斷音書遙天雁空度

切切夕風急露滋庭草濕良人去不同焉知掩閨泣

螢火穿白楊悲風入荒草疑是夢中游愁迷故園道

右均

係張生

妻歌

花前始相見花下又相送何必言夢中人生盡如夢

右長

鬚人歌

時人爲顧總語

元怪錄逸文

據廣記卷三百二十七

梁天監中武昌小吏

顧總性昏顛不任事數爲縣令鞭朴嘗鬱鬱懷

憤因逃墟墓之間忽有二黃衣顧見總曰劉君

頗憶疇昔日周旋耶僕王粲徐幹也足下前生

是劉楨爲坤明侍中以納賂金謫爲小吏公當

自知矣因出袖中軸書示之曰此君集也總試  
省覽乃了然明悟曰二君既是總友人何計可  
脫小吏之厄徐幹曰君但執前集訴於縣宰則  
脫矣既而敘別總見縣令具陳其事令見楨集  
驚曰不可使劉公幹爲小吏卽解遣以賓禮待  
之時人勗子弟皆潛確類書卷六十四曰云  
引此作時人語曰可不修進哉

死劉楨猶庇得生顧總

夷陵空館女郎歌

元怪錄逸文

據廣記卷三百二十九

文明年竟陵掾劉諷

九

夜投夷陵空館月明不寢忽有一女郎閒步至

中軒回命青衣紫纓屈劉家六姨姨十四舅母

南隣翹翹小娘子并將湓奴來傳語道此閒好

風月足得遊樂未幾而三女郎至一孩兒色皆

絕國鋪花茵於庭中揖讓班坐談謔歌詠音詞

清婉三更後皆彈琴擊筑更唱迭和歌曰

云云

又歌曰

云

又歌曰

云

歌竟已是四更卽有

黃衫人儀貌甚偉入拜曰娉提王命娘子速來

女郎等皆起而受命因命青衣收拾盤筵諷因  
大聲嚏咳視庭中無復一物

明月秋風良宵會同星河易翻歡娛不終緣樽翠杓爲  
君斟酌今夕不飲何時歡樂

楊柳楊柳裊裊

全唐詩十二函  
七裊裊作嫋嫋

隨風急西樓美人春夢

長

侯鯖錄卷二  
夢長作睡濃

繡簾斜捲千條入

玉戶金釭願陪君王邯鄲宮中金石絲簧衛女秦娥左  
右成行紈綺繽紛翠眉紅粧王歡願眄爲王歌舞願得  
君歡常無災苦



按說鄧卷一百十七列元怪記而復載續元怪錄則  
記字必錄字之誤然未載此二條今據廣記錄之

富春沙際鬼吟

志怪錄有人夜泊舟於富春間月色澹然見一

人於沙際吟曰

云

舟人問曰君是誰可示姓

名否又吟曰

云

舟人上岸揖之遂失所在

陟江三十年潮打形骸朽家人都不知何處奠杯酒  
莫問我姓名向君言亦空潮生沙骨冷魂魄悲秋風

長孫紹祖聞少女歌

志怪錄逸文

據廣記卷三百二十六

長孫紹祖常行陳蔡

間日暮路側有一人家呼宿房內聞彈箏篴聲竊於窗中窺之見一少女容態閒婉明燭獨處

紹祖微調女撫絃不輟笑而歌曰

云

紹祖悅

懌直前撫慰女亦欣然左右有婢仍命饌纔飲

數杯女復歌歌曰

云

因徹燭共寢將曙女揮

淚與別紹祖乘馬出門百餘步顧視乃一小墳

也

宿昔相思苦今宵良會稀欲持留客被一願拂君衣

古謠諺

卷九十五

附錄十

曼陀羅華閣

星漢縱復斜風霜悽已切薄陳君不御誰知思欲絕

九華山白衣丈夫吟

宣室志

卷六

晉昌唐燕士

全五代詩卷二十三好引五代史補燕作進

讀書隱於九華山嘗日晚天雨霽步月上山俄

有白衣丈夫戴紗巾貌孤俊年近五十循澗而

來吟步自若伫立且久乃吟曰

云

燕士聞此

驚歎將與之言未及而沒明日歸以貌問里人

有識者是胡氏子舉進士善爲詩卒數年矣

澗水潺潺聲不絕溪隴茫茫野花發自去自來人不歸

長時惟對空山月

全五代詩歸作知長作歸 廣記卷三百四十八引河東記志無名小鬼

贈韋齊休詩云澗水濺濺流不絕芳草綿綿  
野花發自去自來人不知黃昏惟有空山月

### 洋州館亭白衣丈夫吟

宣室志

卷十

大厯中有進士竇裕者家寄淮海下

第將之成都至洋州無疾卒裕嘗與淮陰令吳

興沈生善別有年矣後沈生自淮海調補金堂

令至洋州舍於館亭中是夕風月清明俄見一

白衣丈夫自門步入且吟且嗟似有恨而不舒

者久之吟曰

云

生聽之甚覺類竇裕亟起與

語未及遂亡見矣乃歎曰吾與寶君別久矣豈  
爲鬼耶明日命駕而去行未數里有殯於路前  
有誌曰進士竇裕殯宮生卽致奠拜泣而去

家依楚水岸身寄洋州館望月獨相思塵襟淚痕滿

### 趙生聞綠袍人吟

宣室志逸文

據廣記卷  
三百二

太和中  
有趙生者尉於

夏陽嘗一夕雨霽趙生與友數輩聯步望月於

漢水之上忽見一人貌甚黑被綠袍自水中流

泂泳久之吟曰

云

趙生方驚其人入水亦沒

明日又至泉所有神祠表其門曰漢水神入廟  
見神坐之左右搏埴爲偶人被綠袍者視其貌  
若前時所見水中人也

夜月明皎皎綠波空悠悠

### 河中鬼踏歌

河東記逸文

據廣記卷三百四十六

長慶中有人於河中

舜成苑鸛鵲樓下見二鬼各長三丈許青衫白

袴連臂踏歌曰

云

言畢而沒

河水流溷溷山頭種蕎麥兩箇胡孫門底來東家阿嫂

案說郛卷六十列河東記未載此條今據廣記錄之

嵩嶽諸仙歌

纂異記逸文

據廣記卷五十三

禮田璆者與其友鄧紹

博學相類家於洛陽晚出建春門期望月於韶

別墅適有二書生乘驄復出建春門揖璆韶曰

某敝莊水竹臺榭名聞洛下去此三二里儻能

迂轡冀展傾蓋之分耳璆韶乃從而往至一門

凡厯池館堂榭率皆陳設盤筵若有所待璆韶

詰其由曰今夕中天羣仙會於茲岳請以知禮  
導昇降言訖見直北花燭亘天簫韶沸空羣仙  
方奏霓裳羽衣曲書生前進命璆韶拜夫人夫  
人問左右誰人召來曰衛符卿李八百夫人曰  
便令此二童接待於是二童引璆韶於神仙之  
後縱目璆問曰相者誰曰劉綱侍者誰曰茅盈  
東鄰女彈箏擊筑者誰曰麻姑謝自然幄中座  
者誰曰西王母俄有一人駕鶴而來王母曰久  
望劉君璆問劉君誰曰漢朝天子續有一人駕



黃龍載黃旂及瑤幄而下書生謂璆韶此開元

天寶太平之主也夫頃聞簫韶自空而來執絳

節者前唱言穆天子來奏樂羣仙皆起王母避

位迎二主降堦入幄環坐而飲穆王把酒請王

母歌以珊瑚鉤擊盤而歌曰

云

王母持盃穆

天子歌曰

云

歌竟與王母話瑤池舊事乃重

歌一章去

云

王母酬穆天子歌曰

云

酒至

漢武帝王母又歌曰

云

漢主上王母酒曰

云

帝把酒曰吾聞丁令威能歌令左右召來令

威至又遣子晉吹笙以和歌曰

云

帝持盃久

之王母曰應須召葉靜能來唱一曲當時事靜

能續至跪獻帝酒復歌曰

云

歌竟仙郎入召

璆韶行禮禮畢二書生復引璆韶辭夫人夫人  
各賜延壽酒一盃曰可增人間半甲子復命衛  
符卿等引還人間別訖行四五步杳失所在於  
是璆韶捐棄家室同入少室山今不知所在

勸君酒爲君悲且吟自從頻見市朝改無復瑤池宴樂

心

穆天子把酒  
請王母歌

古謠諺

卷九十五

附錄十

曼陀羅華閣

奉君酒休歎市朝非早知無復瑤池興悔駕驂騑草草

歸

王母持盃  
穆天子歌

八馬迴乘汗漫風猶思往事憇昭宮宴移南圃情方洽

全唐詩十二  
函七南作元

樂奏鈞天曲未終斜漢露凝殘月冷流霞

盃泛曙光紅崑崙回首不知處疑是酒酣魂夢中

穆天子重

歌

一曲笙歌瑤水濱曾留逸足駐征輪人間甲子週千歲

靈境盃觴初一巡玉兔銀河終不夜奇花好樹鎮長春

悄知碧海

全唐詩注  
一作穆滿

饒詞句歌向俗流疑誤人

王母酬  
穆天子

歌

珠露金風下界秋  
漢家陵樹冷脩脩  
全唐詩作脩脩  
當時不得

仙桃力尋作浮塵  
飄隴頭  
酒至漢武帝王母又歌

五十餘年四海清  
自親丹竈得長生  
全唐詩十二函入竈作藥  
若言

盡是仙桃力  
看取神仙簿上名  
漢武帝上王母酒歌

月照驪山露泣花  
似悲先帝早昇遐  
至今猶有長生鹿

時遶溫泉望翠華  
漢帝召丁令威歌

幽蘄煙塵別九重  
貴妃湯殿罷歌鐘  
中宵扈從無全仗

大駕蒼黃發六龍  
全唐詩注云黃一作皇  
粧匣尙留金翡翠  
暖池

猶浸玉芙蓉荆榛一閉朝元路唯有悲風吹晚松

王母召葉

靜能爲明皇歌

按各歌末注均遵全唐詩採錄

張生夢舜鼓琴歌

纂異記逸文

據廣記卷三百十

進士張生善鼓琴下第

游蒲關入舜城日將暮遂詣廟吏求止一宿初  
夜方寢見絳衣者二人前言曰帝召書生生遽  
往帝謂生曰學琴乎曰嗜之而不善帝乃顧左  
右取琴曰不聞鼓五絃歌南風奚足以光其歸

路乃鼓琴以歌之曰

云

云

歌訖鼓琴爲南風弄

音韻清暢爽朗心骨生因發言曰妙哉乃遂驚

悟

南風之薰薰兮草芊芊妙有之音兮歸清弦蕩蕩之教  
兮由自然熙熙之化兮吾道全薰薰兮思何傳

按說郛卷一百十八列纂異記未載此二條今據廣  
記錄之

古謠諺卷九十五終

古謠諺卷九十六

附錄十一

秀水杜文瀾輯

三生石歌

甘澤謠圓觀者大厯末洛陽惠林寺僧能事田  
園富有粟帛李諫議源公卿之子乃脫粟布衣  
止於惠林寺與圓觀爲忘言交如此三十年二  
公一旦約遊蜀州抵青城峨嵋同訪道求藥圓  
觀欲遊長安出斜谷李公欲上荊州三峽爭此  
兩途半年未決李公曰吾已絕世事豈取途兩



京圓觀曰行固不由人請出從三峽而去遂自  
荆江上峽行至南泊維舟山下見婦人數人偉  
達錦襜負甕而汲圓觀望之而泣下曰某不欲  
至此恐見其婦人也李公驚問圓觀曰其中孕  
婦姓王者是某托身之所踰三歲尙未婉懷以  
某未來之故也今旣見矣卽命有所歸釋氏所  
謂循環也謂公曰請假以符咒遣某速生少駐  
行舟葬某山下浴兒三日亦訪臨若相顧一笑  
卽其認公也更後十二年中秋月夜杭州天竺

寺外與相見公之期也李公遂召婦人告以方  
書是夕圓觀亾而孕婦產矣李公三日往觀新  
兒果致一笑李公具告於王王乃多出家財厚  
葬圓觀明日李公言歸惠林詢問觀家方知已  
有理命後十二年秋八月直詣餘杭赴其所約  
時天竺寺葛洪川畔有牧豎歌竹枝詞者乘牛  
叱角雙髻短衣俄至寺前乃圓觀也李公就謁  
卻問曰眞信士矣與公殊途慎勿相追又唱竹  
枝步步前去初到寺前歌曰

云

又歌曰

云

後三年李公拜諫議大夫二年亡

二  
按冷齋夜話卷十引唐忠

義傳略同惟婦人負寶而泣作錦襦女子浣又敘圓觀語若能相顧一笑下有吾已三生爲比丘居湘西岳麓寺寺前有巨石林間嘗習禪其上遂不復言一節正謂三生石之事此略之非也又往觀新兒一節敘爲圓觀既死明年之事天竺寺作孤山均與此書不合惠洪又云東坡刪削其傳而曰圓澤而不書岳麓三生石事贊寧所錄爲圓觀東坡何以書爲澤必有據錢氏希言戲瑕卷一宋人小說惟圓澤三生石事是蘇長公撰卻類唐人文筆今廣記中已闕入矣後閣冷齋夜話乃知唐人元有忠義傳載李澄之子源與惠林寺道人圓觀游托生錦襦婦人家卻後十二年扣角而歌於孤山月下長公刪潤其語而曰圓澤其實非長公筆也甘澤謠附錄東坡圓澤傳五川居士云予按蘇公集載圓澤傳出自袁郊所作甘澤謠其事則卽圓

觀特入唐書李愔傳數語耳方疑公以觀爲澤  
未考所本後數日偶見惠洪述觀道人三生爲  
比邱條下亦以爲疑欲問其說於叔黨則當時  
人固已疑之矣贊寧在宋初最稱博學去袁郊  
未遠所錄亦稱圓觀其岳麓三生石事及源入  
蜀及明年兒始生又與郊記不合是未嘗見甘  
澤謠各書所聞也今並錄於後子家有劉松年  
三生圖元人楷書圓澤傳又與坡公稍異上有  
趙松雪鑒定籤題名僧二十人詩篇最後吳匏  
菴跋語皆作圓澤無一人稱觀者豈後人因坡  
公所定不復爲異歟惟神僧傳  
則稱圓觀是從甘澤謠所定也

三生石上舊精魂賞月吟風不要論

冷齋夜話吟作臨  
潛確類書卷六

十二不作莫

慚愧情人遠相訪此身雖異性長存

冷齋夜話  
異作壤長

作常

潛確類書

卷二十七長作靈

古謠諺

卷九十六

附錄十一

曼陀羅華閣

三  
身前身後事茫茫欲話因緣恐斷腸吳越溪山尋已遍

卻迴烟棹上瞿塘

學津討源本  
溪山作山川

鄭生與湘中蛟女贈答吟

異聞錄逸文

據廣記卷二  
百九十八

垂拱中太學鄭生晨

發銅駝里乘曉月度洛陽橋下有哭聲甚哀生

卽下馬察之見一艷女翳然蒙袂曰孤養於兄

嫂嫂惡苦我今欲赴水故留哀須臾生曰能逐

我歸乎泣曰婢御無悔遂載與俱歸所居號曰

汜人能誦楚詞九歌招魂九辯之書亦常擬詞

賦爲悲歌其詞艷麗世莫有屬者居歲餘生將  
游長安是夕謂生我湖中蛟室之姝也謫而從  
君今歲滿無以久留君所乃與生訣生留之不  
能竟去後十餘年生兄爲岳州刺史會上巳日  
與家徒登岳陽樓望鄂渚張宴酣樂生愁吟曰  
云聲未終有畫艫浮漾而來中爲綵樓高百  
餘尺中一人起舞含嚔怨慕形類汜人舞而歌  
曰云舞畢斂袖索然須臾風濤崩怒遂不知  
所在

情無垠兮蕩洋洋

全唐詩十二函七蕩洋洋作水

懷佳

期兮屬三湘

鄭生吟 全唐詩 八函二無兮字

派青春兮江之隅拖湖波兮裊綠裾荷拳拳兮來舒非

同歸兮何如

蛟女吟 岳陽風土記春作山隅作湄拖 作咏荷作意來作心莫 全唐詩十二函

七春作山湖作湘來作情未 末句作匪同歸兮將焉如

按說郛卷一百十七列異聞實錄

按此與廣記所引 異聞錄本一書而

廣記無實字當 係編纂時刪去

未載此條今據廣記錄之

裴姓聞塚中羣婢踏歌

廣異記逸文

據廣記卷三 百三十五

浚儀王氏士人也其

母葬女壻裴郎飲酒醉入冢臥棺後家人不知  
遂掩壙後經數日不見裴郎家誣爲王氏所殺  
遂相訟王氏遂開壙得之氣息奄奄數日平復  
說云初葬之夕酒向醒無由得出見人無數文  
柏爲堂宅宇甚麗王氏先亡長幼皆集旣又長  
筵美饌歌樂歡洽俄聞云喚裴郎某懼不敢起  
又聞羣婢踏歌謂曰云遂起徧拜飢請食妻  
母令取瓶中食與之如此數夜奴婢皆是明器  
不復有本形像



相常新成樂未央迴來迴去繞裴郎

五

按說郛卷一百十八列廣異記未載此條今據廣記錄之

### 君山老父吟

博異志逸文

據廣記卷二百四

洞庭賈客呂鄉筠善吹

笛嘗夜泊於君山側命樽酒獨飲而吹笛數曲

忽見波上有漁舟而來者漸近乃一老父鬢眉

皤然去就異常鄉筠置笛起立迎上舟老父曰

聞君笛聲嘹亮我是以來鄉筠飲之數盃老父

曰老人少業笛子可教乎言畢抽笛吹三聲波  
濤滉漾魚鼈跳噴五聲六聲鳥獸叫噪月色昏  
昧老父遂止引滿數盃乃吟曰云又引數盃  
遂掉漁舟而去隱隱漸沒於波間

湘中老人讀黃老手援紫藟坐翠草春至不知湘水深  
日暮忘卻巴陵道

按說郛卷一百十六列博異志未載此條今據廣記  
錄之

趙旭聽神女叩柱歌

太平廣記

卷六十九  
引通幽記

天水趙旭少孤介好學有

姿貌善清言習黃老之道家於廣陵嘗夢一女  
子衣青衣挑笑牖間及覺而異之夜半忽聞窗  
外切切笑聲清香滿室有一女年可十四五容  
範曠代開簾而入旭載拜女笑曰吾天上青童  
位居末品時有世念帝罰我人間隨所感配乃  
延坐話玉皇內景之事夜深忽聞外一女呼青  
夫人旭駭以問之答曰同宮女子相尋爾勿應  
乃扣柱歌曰

云

歌甚長旭唯記兩韻謂青童

君曰可延入否答曰此女多言慮洩吾事上界  
耳旭乃起迎之見一神女在空中去地丈餘許  
旭載拜邀之乃下白吾嫦娥女也聞君與青君  
集會故捕逃耳便入室旣同歡洽將曉遂各登  
車訣別

月露飄飄星漢斜獨行窈窕浮雲車仙郎獨邀青童君  
結情羅帳同心花

補侍兒小名錄月露  
作白雲飄飄作飄飄

按補侍兒小名錄以此歌屬之青童當由刪節其文  
因而致誤

薛昭與鳳臺蘭翹雲容諸女歌

七

太平廣記

卷六十九  
引傳記

薛昭者唐元和末爲平陸

尉坐謫爲民於海東至三鄉遁過蘭昌宮踰垣而入及夜風清月皎見階前三美女笑語而至揖讓升於花茵以犀杯酌酒而進之昭遂跳出三女愕然良久曰君是何人而匿於此昭具以實對乃設座於茵之南昭詢其姓字長曰雲容張氏次曰鳳臺蕭氏次曰蘭翹劉氏飲將酣蘭翹命骰子謂二女曰今夕佳賓相會須有匹

偶請擲骰子雲容采勝翹遂命薛郎近雲容姊  
坐昭遂問夫人何許人何以至此容曰某乃開  
元中楊貴妃之侍兒也妃甚愛惜申天師與絳  
雪丹一粒曰汝但服之雖死不壞但能大其棺  
廣其穴後百年得遇生人交精之氣或再生便  
爲地仙耳我沒時送終之器皆得如約今已百  
年矣先師之兆莫非今宵良會乎又問蘭鳳二  
子容曰亦當時宮人有容者爲九仙媛所忌毒  
而死之藏吾穴側與之交遊鳳臺請卽席而歌

送昭容酒歌曰

云

蘭翹和曰

云

雲容和曰

云

昭亦和曰

云

云

詩畢旋聞雞鳴三人曰可

歸室矣昭持其衣超然而去蘭鳳亦告辭而他  
往矣遂同寢處數夕容曰吾體已蘇矣昭遂出  
啟櫬見容體已生遂與容同歸金陵

臉花不綻幾含幽今夕陽春獨換秋我守孤燈無白日

寒雲嶺上更添愁

鳳臺歌

幽谷啼鶯整羽翰犀沉玉冷自長歎月華不忍扃泉戶

露滴松枝一夜寒

蘭翹和

韶光不見分成塵會餌金丹忽有神不意薛生攜舊律

獨開幽谷一枝春

雲容和

誤入宮垣漏網人月華靜洗玉階塵自疑飛到蓬萊頂

瓊艷三枝半夜春

薛昭和

### 李哲家怪引諺

太平廣記

卷三百六十  
三引通幽記

唐貞元四年常州錄事

參軍李哲家於丹陽縣東郭去五里有莊多妖

異哲兄子士溫士儒並剛勇常罵之夏夜士溫

醉臥見一丈夫自門直入士溫尋之是一瓦瓦



背畫作眉目以紙爲頭巾衣一小兒衣李氏遂  
釘於柱碎之數日外有婦人喪服哭於圃言殺  
我夫明日哭於庭乃投書曰諺所謂云云吾屬  
百戶當相報耳復爲士儒擒焉亦瓦而衣也遂  
末之

一雞死一雞鳴

斑寅引鄙諺

太平廣記

卷四百三十  
四引傳奇

大中年有甯茵秀才假

大寮莊於南山下因夜風清月朗吟咏庭際俄

聞扣門聲稱桃林斑特處士相訪俄又聞人扣  
關曰南山斑寅將軍奉謁茵遂延入二斑相見  
亦甚忻慰茵傾壺請飲後二斑飲過語紛拏茵  
怒而言曰甯老有尺刀二客不得喧競二客悚  
然特吟曹植詩曰箕在釜中燃豆在釜中泣此  
一聯甚不惡寅曰鄙諺云云俱大笑乃長揖  
而去及明視其門外惟虎跡牛踪而已

鵜鳩樹上鳴意在麻子地

古諺閒譚子地作畬裏

古謠諺卷九十六終

古謠諺卷九十七

附錄十二

秀水杜文瀾輯

晁紫芝聞女子吟

異聞記安吉碧蘭堂素有奇怪有士晁紫芝嘗  
與客游眺於彼迫暮共見水面一好女子衣服  
楚楚手捧蓮葉足履萍草而來晁料其鬼物急  
叱之女子自若且行且吟云  
云吟畢由東岸  
而去

水天日暮風無力斷雲影裏蘆花色折得荷花水上游

兩鬢蕭蕭玉釵直

羅巖二女神吟

涉異志羅源紫霄巖有二女神號石眞妃二妃  
者羅源徐公里石氏女也姊曰月華妹曰雪英  
皆有姿色涉書史五季末處州青巾賊作亂二  
女被虜義不受辱相繼投河死宋時林孝子慙  
孫入山採樵遇二女明粧儼然肅入其家延茶  
久之月華吟曰云雪英吟曰云吟畢謂慙  
孫曰吾石氏女遭難而死上帝憫吾貞烈勅吾

爲火部曜靈真妃吾妹爲水部風毒真妃封此  
巖爲紫霄巖命吾主之君以孝聞今雖貧不久  
當貴已而相別送出懃孫回望無復人宇矣

世亂年荒起盜兵紛紛螻蟻尙逃生妾身不幸遭俘虜  
雨涕何時積恨平百尺潺湲探禹穴寸心皎潔付陶泓  
皇天不泯堅貞女召拜雲階浪得名

月華吟

昔日繁華若轉蓬千璣萬琲總成空肉芝勝比蓮花鮓  
甘露何如竹葉醲物外烟霞隨處得世間風雨任牢籠  
知君已有會參行暫與尋常一徑通

雪英吟

古謠諺

卷九十七

附錄十二

曼陀羅華閣

張士傑遇龍女吟

已瘡篇張士傑客壽陽被酒入淮陽濱入龍祠  
見後帳龍女塑像甚美乃取桐葉題詩投帳中  
云我是夢中傳彩筆書於葉上寄朝雲忽見一  
舍有美女士傑徑詣置酒女吟曰 云 士傑昏  
醉旣醒孤坐於廟門之右小奚奴曰娘子傳語  
還君桐葉勿復置念

落帆且泊小沙灘霜月無波淮上寒若向江潮得消息  
爲傳風水到長安

陳堯咨夢獨脚鬼歌

夷堅志建寧城東梨嶽廟所事神唐刺史李頻  
也靈異昭格每當科舉歲士人禱祈赴之如織  
至留宿於廟中以求夢無不驗者浦城縣去城  
二百里邑士陳堯咨苦貧憚費不能應詔乃言  
曰惟至誠可以動天地感鬼神此中自有護學  
祠吾今但齋香紙謁之當獲不應是夕宿於齋  
夢一獨脚鬼跳躍數四且行且歌曰 云  
云堯咨  
既覺遍告朋友決意入城其事喧播於鄉間或



傳以爲戲笑秋闈揭榜果預選一舉登科

有官便有妻有妻便有妾有錢便有田

鄱陽土人爲毛女語

夷堅志鄱陽城內昔多葦園曲徑常常苦於怪  
孽而城隍廟下毛家巷尤爲寂寥忽有女子貌  
絕美值夜輒至小民陳五遂爲所惑女出示兩  
手皆生黑毛陳歸舍未幾而歿土人有

云之

語由是雖當白晝苟寒陰慘晦莫敢獨行巷中  
爲鳩立一塔以資鎮護後又摧塌拆去淳熙中

客王承信買得屋兩間於其地饒者言距有水  
處太遠於是鑿一井經數日方引在下汲泉淅  
淅如冰清瑩冷潔空坊里之人悉來輦取其汲  
愈多而泉出無窮迄今爲一方利則毛手之說  
止矣

毛家巷裏毛手鬼

陳彥修侍姬夢少年歌

陶朱新錄吏部侍郎陳彥修有侍姬曰小姐氣  
羸多病所服率鍾乳丹砂睡則多異夢於園囿

游處動作別是一塵寰也多向骨肉言之醫者

引神農書云臟虛多夢亦不以爲異宣和間一

夕夢少年挾升酒樓飲酣少年執板歌以侑酒

覺猶記云云姬後生子名章爲廣南郡倅

人生開口笑難逢富貴榮華總是空惟有隋堤千樹柳

滔滔依舊水流東

時人爲馬燧造謠

酉陽雜俎

卷十二 語資類

馬僕射

原注一 日侍中

旣立勲業頗

自矜伐常有陶侃之意常呼田悅爲錢龍至今

爲義士非之當時有揣其意者乃先著謠於軍

中曰

云

云月餘方異其服色謁之言善相馬遽

見因請遠左右曰公相非人臣然小有未通處  
當得寶物值數千萬者可以通之馬初不實之  
客曰公豈不聞謠乎正謂公也齋鍾動時至也  
和尚公之名不上堂不自取也馬公聽之始惑  
卽爲具肪玉紋犀及貝珠焉客一去不復知之  
馬病劇方悔之也

齋鍾動也和尙不上堂

案侍中僕射皆北平王馬燧之官既破田悅而遷延  
玩寇亦其不滿人意之處然北平之爲人雖不及李  
西平之純粹然艱難之際顯立功效臣節不虧此必  
好事者爲之辭正如晉人誣陶長沙折翼之夢也

士人夢屏風婦人歌

酉陽雜俎

卷十四 諾  
臯記上

元和初有一士人失姓字

因醉臥廳中及醒見古屏上婦人等悉於牀前

踏歌歌曰

云

其中雙鬟者問曰如何弓腰歌

者笑曰汝不見我作弓腰乎乃反首髻及地腰

勢如規焉士人驚懼因叱之忽然上屏亦無其

他夢游錄敘此事  
士人名邢鳳

長安女兒踏春陽

孔帖卷十三兒在女上全唐文卷  
七百三十七沈亞之異夢錄全唐詩

十二函七及廣異記夢游錄異聞錄潛確類書卷四女  
兒作少女異聞錄夢游錄踏作玩全唐詩注陽一作

忙無處春陽不斷腸廣異記夢游錄全唐  
文潛確類書無作何舞袖弓腰渾

忘卻廣異記夢游錄全唐  
文全唐詩腰作彎蛾眉空帶九秋霜全唐文全  
唐詩蛾眉

並作羅衣帶作換異聞錄夢游錄蛾眉作  
羅帷帶作度廣異記作羅帷空度九秋霜

張立本女吟

會昌解頤錄逸文

據廣記卷四  
百五十四

唐草場官張立

古謠諺

卷九十七

附錄十二

曼陀羅華閣

本有一女爲妖物所魅其妖每自稱高侍郎一

日忽吟一首云

云

云立本乃隨口抄之立本與

僧法舟爲友舟乃與立本兩粒丹令其女服之

不旬日而疾自愈其女說云宅後有竹叢與高

錯侍郎墓近其中有野狐窟穴因被其魅服丹

之後不聞其疾再發矣

虛谷間抄安西市張家富於財其女國色也嘗

晝寢夢至一處朱門大戶有紫衣吏引張氏於西廊幙次俄傳呼曰尙書來又有識者并師王公也見張氏而視之光屬意焉謂曰汝習何技能對曰未嘗學聲音使與之琴辭不能曰第操之乃撫之而成曲子之箏亦然琵琶亦然皆平生所不習也王公曰恐汝或遺乃令口授吟曰

云云謂張曰其歸辭父母異日復來忽驚啼而寤因臥病累日遂卒

危冠廣袖楚宮粧獨步閒庭逐夜涼自把玉簪敲砌竹

清歌一曲月如霜

三夢記首句作鬢梳嫌俏學宮妝步作立逐作納自作手

句作環梳開掃

學宮粧餘與三夢記同

全唐詩十二

函入廣作高

全唐文卷六百六白行簡紀夢環作還

納夜作夜納

與虛谷閒抄同

潛確類書卷八十八簪作釵餘粧臺記貞元中有閒掃粧髻

案說郛卷四十九列會昌解頤錄未載此條今據廣

記錄之

張君壽遇老翁歌

堅瓠集

戊戌集卷一

張君壽浪游江湖八月十四夜皓

古謠諺

卷九十七

附錄十二

曼陀羅華閣



月澄空忽見上流一舟如雀一老翁盪槳歌云

云 君壽異之刺船與語翁又歌云 云 ○明

綜卷九十九成化中侯官吳師禹於吳嶼結屋  
月夜載酒遍飲漁翁至嘉靖間已物故士人張  
君壽八月幾望舟泊吳嶼忽上流一翁盪槳而  
歌云云君壽刺舟與語翁曰我吳師禹也君壽  
不知其已死偕訪其家酒行復賦詩夜旣闌  
遂寢且覺乃在叢莽中詩箋尙在觸手成灰

郎提密網截江圍妾把長竿守釣磯滿載魴魚都換酒

輕烟細雨又空歸

蓼香月白醒時稀潮去潮來自不知除卻醉眠無一事

東西南北任風吹

翟永齡造謠

堅瓠集

癸集卷四

武進翟海槎

永齡

赴南京患無貲

買棗數十觔每至市墟呼羣兒至每兒與棗一

掬教之曰

云

一路童謠載道聞者爭覓其旅

邸訪之大獲贖利

不要輕不要輕今年解元翟永齡

甘露寺僧聞異人夜飲歌

桂苑叢談有甘露寺僧語愚云吳王收復浙西  
之歲明年夏中夜月瑩無雲望江澄徹如晝竟

無人蹤俄有數人自西軒而來領僕厮輩攜酒  
壺直抵望江亭而止僧窺之而思曰客何自來  
必是幽靈異人乎乃於窗際俯伏而伺之東向  
一人南朝之衣清揚甚美西坐一人北朝之服  
魁梧亶亶北行一人逢掖之衣南行一人朱衣  
霜簡清瘦多髯飛杯之頃東向西坐各低頭不  
樂南向朱衣曰時世命也知復何爲酒至西行  
南服曰各徵曩日臨危一言以代絲竹自吟自  
送可乎衆曰可北服乃執杯而吟曰

云

云

次及

逢掖舉杯而歌曰

云

云巡至東向曰

云

以至

朱衣乃朗吟曰

云

云

吟罷東樓晨鐘遽鳴僧戶

軋然而啟歛爾而散竟無蹤矣

趙壹能爲賦鄒陽解獻書何惜西江水不救轍中魚

北服

歌人

偉哉橫海鱗壯矣垂天翼一旦失風水翻爲螻蟻食

逢掖

歌人

功遂侔昔人保退無智力既涉太行險茲路竟難陟

東向

歌人

古謠諺

卷九十七

附錄十二

曼陀羅華閣

握裏龍蛇紙上鸞逡巡千幅不將難願雲已往羅隱耄

更有何人運筆端

朱衣人歌

南曲中諺

板橋雜記曲中女郎多親生之女故憐惜倍至  
遇有佳客任其留連不計錢鈔其儉父大賈拒  
絕勿與通亦不顧也從良落籍屬於祠部親母  
則取費不多假母則勒索高價諺所謂

云云者

蓋爲假母言之也

娘兒愛俏鴛兒愛鈔

衛羅國王女歌

雲笈七籤洞元本行經云西方七寶金門皓靈  
皇老君者本乃靈鳳之子也靈鳳以呵羅天中  
降生於衛羅天堂世界衛羅國王取而蓄之王  
有長女字曰配瑛意甚憐愛常與其戲於是靈  
鳳常以兩翼扇女面後十二年中女忽有胎王  
意怪之因斬鳳頭埋著長林邱中女後生女墮  
地能言曰我是鳳子位應天妃王卽名曰皇妃  
生得三日有羣鳳來賀王女思憶靈鳳往之遊

好駕而臨之長林邱中歌曰

云

於是王所殺

鳳鬱然而生抱女俱飛徑入雲中

杳杳靈鳳綿綿長歸悠悠我思永與願違萬劫無期何時來飛

古謠諺卷九十七終